

Høyringsuttale til rapport for alternativ organisering av NAV-tenester for Gulen og Masfjorden

I rapporten saknar eg ei utgreiing av betydinga av å vere samlokalisert med andre offentlege instansar. Eg kom med innspel om dette både i medarbeidersamtale og felles personalmøte for tilsette ved NAV Masfjorden og NAV Gulen, men dette er ikkje kommen med i rapporten.

NAV samarbeider med både helsetenesta, avdeling for psykisk helse, kommunepsykolog, barnevern og politi. Ei samlokalisering med desse instansane vil gjere samhandlinga lettare, skape fagleg utvikling, auke det tverrfaglege samarbeidet samt gjere det lettare å få til eit heilskapleg samarbeid rundt brukarane. NAV har også ein intensjon om å følgje opp særskilt utsatte grupper som ofte har behov for koordinerte tenester.

I samband med etablering og bygging av nytt helsehus på Hosteland har NAV ein gyllen mulighet til å kunne samlokalisert med andre offentlege instansar. Ein vil her også ha god mulighet til å utforme lokalet tilpassa NAV.

Det er viktig med nærleik til bedriftene, men det tenker eg ein kan få til utan å vere samlokalisert med nokre få av dei. Gulen og Masfjorden har ein arbeidsmarknad med store geografiske avstandar som gjer at NAV uansett må reise ut i bedriftene. Eg meiner derfor at det er viktigare at NAV vert samlokalisert med andre offentlege instansar enn at det vert samlokalisert med eitt arbeidsområde.

Med helsing

Kamilla Haukeland

Sosionom og tilsett ved NAV Masfjorden